

[Augsburg], 19. Mai 1562

An Joachim Camerarius d. Ä.

BSB, Clm 10370, Nr. 280.

Clarissimo viro, D. Ioachimo Camerario etc. domino et amico suo colendo. Leipzig.
 S. D. Aequanimitas tua, Classisime vir, Domine et amice colende, solicitudinem meam non parum leuat. Progymnasmata tua vnà cum salute seorsim scripta illi obtuli, et literas legendas exhibui. Gratias agit et te amanter resalutat. Quò minus autem filius tuus subsidium acceperit: illius profectione esse factum ait. Curaturum se tamen denuo vt id fiat. Ego verò τὴν ἀναβολὴν vereor, λίαν εἰδώς, καὶ μετὰ τῆς ιδίας βλάβης πειρώμενος, ἐνῷ καθέστηκε νυνὶ τὰ πράγματα τὰ ἔκεινου. οὕτε γάρ ὡς δοκεῖ καὶ φήσειέ τις ἀν., μὴ σκοπῶν ἀκριβῶς, εὐπρεπῶς, οὐδὲ ὡς ἀν κάλλιστα αὐτῷ τὰ παρόντ' ἔχοι. Quod equidem ex animo doleo, sed mutare non possum. Rationes quidem cauendi ne in hunc locum deueniretur, quiuis facile prospicere potuisset, si consilijs melioribus quicquam fuisse loci. De Stigelio et pluribus alijs doctiss[imis] viris communis tibi mecum est dolor. Quam paucis annis ac potius mensibus (vt caeteros taceam) quot praestantes poetas Germania nostra amisit? Micyllum, Lotichium, Sabinum, Stigelium. His accessit etsi non insignis poeta, vir tamen insigni probitate et doctrina D. Moibanus, quem 5. Idus Maias sepeliuimus, breui secutum vxorem in partu mortuam, infante superstite cum duobus filiolis. Praedixerat ipse multò antè hunc casum, nimium verus vates καὶ στοχαστικὸς ἀστρολόγος. Ominatur et mihi Cyprianus (καίπερ οὐκ ἐναριθμίω ὄντι) sub Cal[endas] Octobris interitum, et quidem quae valetudo mea et victus ratio est, οὐκ ἀπὸ σκοποῦ τοξεύοντι ἔοικεν. Etsi autem satis scio ὅτι τὰ ἀστρολογικὰ τῶν μαντευμάτων ἐν μέσῳ κεῖται τοῦ τε δυνατοῦ καὶ τῆς ἀνάγκης: tamen quia me acies oculorum destituit οὐχ ὑπουργούντων ἔτι τῷ συνεχεῖ τῆς ἀναγνώσεως, emptorem Bibliothecae meae quaero per omnem aetatem fraudato saepe genio conquisitae, quò commodius neptes meae elocari possint, quarum parentes Bello Schmalcaldico fortunis penè omnibus euersi, mea ope complures iam annos vtcunque sustentantur. Sed mittamus haec δυσοιώνιστα et deo nos nostraqüe omnia committamus. De Gallicis tumultibus te iampridem aliquid accepisse reor. Condus princeps magnas et firmas habet copias: sacrificulos multis vrbibus expulit: iam accessisse ad Luteciam creditur. Fertur Rex puer, id est, Guisiani duces, Heluetiorum accersere auxilia, parum vti opinio est, opis allatura, nisi Guisiani restituta Regis libertate relicta aula suum negocium egerint, et in Hugenosos (sic Euangelium profitentes tanquam seditiosos vocant) saeuire destiterint. Has enim pacis conditiones fert Condus, easdemqüe τοῦ πολέμου προφάσεις iactat. Multi mirantur Hispanum tanto cardine rerum cessare. Nam τοῖς iερεῦσι quidem non voluntatem deesse sed facultatem saeuendi nemini est dubium. Qui in Gallijs facti superiores, arma haud dubiè in Germanos conuersuri essent, et internecione aduersarios si possent deleturi. Hoc statu rerum, quae quo erupturae sint, incertum est, non pessimè cum ijs agitur, quos Deus ex hac aerumnosa et scelerum ac perfidiae plenissima vita euocat. Vale. Cos. noster Hainzelius officiosè te salutat. 14 Cal[endas] Iunij 1562.

Hiero[nymus] W[olfius] T[uus].

Heidelbergenses Mathematum professorem desiderant. Stipendium pollicentur 120 f. Si quem doctum iuuem in eo genere noueris, tum ipsi tum Academiae gratum feceris. Est ea de re ad me scriptum, et ad alias quoque vt opinor. Cautè igitur nobis agendum, nec ablegandus

quisquam, nisi constet locum illum adhuc esse vacuum. ἀλλὰ τί οὐ επιμηθεὺς τῷ προμηθεῖ; Illa etiam περὶ τοῦ ἡμετέρου, etsi notiora quam vellemus, tibi scripta esse, satis intelligis.